

鳳城縣志

第四冊

雜志
藝文志

鳳城縣志第十五卷目錄

雜志

變徵

物異

軼聞

鳳城縣志第十五卷

雜志

五行之志孟堅一舛史家踵焉古者日月失躔星辰移舍下逮一名一物之微愆厥常度君子必以省躬罔敢漠視而況天地之大何奇蔑有禎祥妖孽朕兆隨時甌令福倚福分甌伏至誠前知中庸為訓豈曰聖人不語遂目為怪而遺之哉是以酉陽之俎搜神諾皋諸記事雖不經而四庫網羅編為子集茲彙而存之誠以史例所在不廢五行或亦輜軒所菲采乎因於紀載之末附以雜志

變徵

蚩尤旗出 咸豐十年正月蚩尤見乾方光寬而長色紅如血噴數丈望之令人神悚越數夕乃滅未及英法軍破北京帝狩熱河按晉書蚩尤旗類彗而後屈象旗主所見之方有兵災理或然歟

雨蟲 光緒三年春正月降雪深二尺中有無數小蟲蠕蠕跳動酷似蛇

蚤是歲豐收

疾雷 初佟家窩棚佟某娶王氏貌中姿佟甚厭之久不同床第王亦安然獨處無夫婦情翁姑憂之疑初婚日犯刑冲諏吉迫重行交拜禮不諧如故一夕突聞雷聲王驚起云數十口遭劫矣奈何言已仆於床家人莫解所以秉燭呼問之王恍如夢醒視妯娌往來無識者問之始知為夫家來經年矣時佟就鄰家宿朝歸見一婦豔妝疑問嫂嫂笑曰兩次新婚尚不識其人耶挽令男女識面遂和問前故佟曰吾視其頭面不類人故遠之云初王氏之祖王恒先家城北岔路子宅前有古榆高數丈粗可合抱心空其子王慶疑有仙居求佑為立廟屆朔望送香火馬自是樹中漸有聲息若雛雞學啼恒先知斥為引禍立毀廟並持斧伐樹鄰人立勸而樹遂無聲及恒先沒王慶偶恙問鄰巫謂榆仙崇迫立廟從之雞啼聲又作夜將雨千百羣噪擾人不成寐四時須牢牲致祭客來殺一雞必先廟薦否則家人病邪王慶一女二子女即佟某

妻也即子歸子皆十餘齡每歲榆下一日誤蹴廟前爐長者暴頭痛禱求弗應旋次兒又病不三日相繼亡一家痛恨無如何也是年十月某日即佟婦聞雷之夕雷光一掣聲如巨礮榆焚於火若燃燭然碧油下注腥聞一晝夜根株盡絕土下陷坑深丈許內餘碎骨數斗佟妻謂數千口遭劫者疑指此越數日有人謂古榆火後雷即隆隆南下經顧家屯有柴垛移門西過龍灣村有穀堆置園外入城街某宅抓屋壁陳泥摔東牆斧敲不落爪痕宛然又入某蘿頭房轟然作響人無傷惟壁胡琴一張軸與竿脫落失其筓而雷遂休聲事在光緒十年

羣星晝見 光緒二十八年八月羣星晝見日初出赤如血未幾日軍入境

驟生子 宣統元年城街乾德泉商號驟產驃毛色同其母體肥壯今尚存

物異

水禽類有名老牛半者喜食蜊蛄以長喙入其穴作聲如牛鳴蜊蛄震動自出就食年如主澇蜊蛄穴淺鳴之即出主旱穴深鳴須多聲縣境地半耐旱故以多聲兆豐年云

左傳堯殛鯀于羽山其神化為黃熊入于羽淵黃熊國語作黃能爾雅三足鼈能是能為神種未易見者縣境鰲河有之形同鼈惟後足少一疑被傷脫落驗缺處無跡固生而三足也捕得者以形異仍投之水無敢食者

能姪來切
灰韻

鰲河多蟹一種大於常蟹兩拊多毛肚中有骨類觀音小像俗說昔南海觀世音蓮台說法蟹往聽雙眼摹繪其像遂生腹中種遂特殊

初東鎮有張氏子時釣於河以居近黑魚汀有大魚屈剪為鉤捕青蛙為餌繫數十丈長繩夜往垂釣天明未還其母往探視祇一煙具在岸知已墜水倩人撐槽覓屍於淺流得之繩纏於臂一端入深水中牽出黏魚一尾重六十餘斤縣境諸河之魚無大於此者

同治年南境興隆山居民晨起聞海灘有聲如牛鳴注視一巨物伏泥中長丈餘寬亦八九尺背多癰瘤青痕深淺類苔頭半縮存一目紅圓若榴尾黑而禿邊帶齒齒不完胸骨高四足不能著地蓋夜逐潮來水落不能返也居民等疑甲內藏珠欲殺而取之舉生鐵鉞力砍物伸頭齧之立碎皆駭意其不傷人而壞鉞乃通靈者助之歸海或不仇乃共導小河之水匯流其前及深沒四足乃蹣跚入海去行里許向衆點頭而沒父老言之甚悉疑即鼉之大者

線麻出土時芽類白蟲瓦雀爬出之啣以哺子千百羣集頗為害故縣境農人種麻每於日落酉時蓋麻芽出土不拘幾日而時不能移酉種酉出時雀已入巢經宿麻芽出葉形不類蟲雀害免矣

南境長山子界有奇樹一株幹似榆花葉年必改易或類梨或類桃杏然不實樹已百餘年無知其名者又雙山島一樹葉而不花今歲南枝葉北枝枯明年反是或採葉代茶飲之有香氣目為神樹云

映山紅即羊躑躅於舊歷十二月八日折枝插水瓶中置之暖屋至明年正月一日見花極驗

光緒二年春一蛇一貓酣鬪城內多人聚觀之傳為奇異時陳海珊欲建道署卜地未決聞而喜曰龍處顯象吉莫大焉遂相度用之又署內有老柏一株下為古井名柏蓋廉泉相傳關署中氣運自道署移安東柏尚青葱如故井亦不竭惟柏樹不利繫馬繫輒死不數月馬死五六匹後遂無敢犯者

大石湖山為遼界太子河發源處水由山巔灌注成石湖五第一湖深數丈天亢旱鄉民往祈雨輒應祈法焚香跪禱視湖中有物出長尺許形類蜥蜴者則曰龍見以柳枝撥入淨盆覆以水草昇之出山遊街香花供奉鼓樂隨之夜廟宿會首親為護守雨足送還按山間停水處有物四足長尾以所在多霧名霧魚疑即此類惟至長尺餘亦實罕見而每出必雨尤奇

光緒十四年冬一惡獸自朝鮮來由虎山渡江循龍泉溝等處夜至鳳邊門遊竄各村屯傷人甚夥極輕捷踰牆若飛凡入某宅雞犬喧噪牛馬鳴噪其威烈若是然不害牲畜第讐人初躍何某院中何逐之獸前躍傷臂不釋某力扼其吭仆階下呼妻持刀砍之妻忙迫尋未得前擊以拳獸騰起傷手有鄰傭聞警來掀扉甫入獸外趨撲倒傷下脛遂遁經康某家康遣子出視獸與人立鬥傷手情急喊不能聲力與持父出見疑賊拒捕即驚喊獸聞聲來前躍搭以爪傷面以扁杖擊走之俄入于姓家牲畜羣噪主人驚起持木棒拔關欲出甫舉足足已入獸口傷髀骨正喊呼間鄰人康姓驚出俯牆問故獸趨前一躍搭爪傷眉際康知為野物急歸掩戶獸遂越牆入院家人敲銅鐵驚走之復入別家搔擾黎明竄入城南耿家溝適耿某門外折薪子出拾俯首獸扶其背欲傷之某舉斧力劈獸頭裂乃殪獸類狼毛色稍異無識其名者皮脫長七尺許得紮槍頭於其腹中計嚙男女二十餘人凡牙傷爪傷未百日皆病瘋死毒與狂犬同

光緒間有天津人李某即城街開設客館販猪數十頭備殺市肉一大者重約五百餘斤頭長尾短耳大如箕兩獠牙外弛利如解結錐乍見無弗驚懼然性馴幼童時戲騎行走厭則犬坐令滾跌不以口傷人主人亦以馴故出入不之禁每晝遊市街夜還簷下宿後值俄人入城肉昂貴將殺之李戲謂猪曰同來者本利悉償汝猶終日飽食耶將及矣越一日猪晨出旋歸至李前呵呵有聲為啣一布包來解裹得羗帖數百元李惻然曰如此贖命吾不殺汝矣遂養之旋以行遲礙道館內傭保者踢以足值其衣外曬為齧碎遂入鳳凰山寺住持馬誠富畜之以老死

軼聞

城西地藏庵就近原名桑林子極幽僻乾隆間始修廟相傳初有巡檢某慶誕辰擬演劇由岫巖招來子弟班至城外天已昏即來二公差引入署解裝稍憩傳諭就廳事演唱事取文雅調絲竹勿鼓樂喧闐從之堂上下觀聽者約百數人衣冠齊楚或坐或立寂無聲夜既深不令收場觀聽者

漸漸少諸伶始駭以官署又莫敢聲乃作武裝劇驚擾之以覘其異鼓震
鑼鳴倏然冥黑他無所有審視星斗在天蓬蒿滿地未識何處旋聞市街
柝聲知在城荒甸間因是謂地山多鬼修地藏庵以鎮之

道光間關帝廟老僧某事佛甚虔徒衆以法衣舊不堪用遣人之京購新
者久未還突來一人自云城南趙姓邀醮薦事已酬銀二百問期曰祇在
今夕僧以法衣不潔辭趙曰第諾之新者酉刻即至預備前往可也僧含
混以應及暮衣果購還趙亦以車來逆僧異之囑衆徒曰酬銀非少機會
又奇須敬以將事衆唯唯登車覺迅疾異常時陰雲四合莫辨所之俄臨
一巨第蘆棚高結燈燭煒煌眷屬往來約數百口一翁出語衆僧曰理佛
事予所喜年一次了願即歷指經名惟禁誦菩薩咒衆僧登壇鐃鈸鏗鏘
按次宣誦翁扶杖下坐頻頻點首將終一徒為戲補菩薩咒數語燈光頓
滅廬舍渺然衆大駭覺足下欹仄摸掬皆石且陡甚松風鬱鬱近在耳旁
知為險地靜坐待天明審視為鳳凰山西南峰佛圖皆懸樹間乃草草收

壇結輓梯而下歸檢經箱得銀二百兩法衣皆新疑山靈所為也

亂石山東有溫泉俗名海眼傳言某年溽暑多雨週十餘里田禾半溺死
惟遠村無災鄉民怪之或見天色偶晴即有片雲落海眼中知有異乘雨
時張網其上既霽一大鯉墜網中以靈物仍投之水雨患乃免

城南大龍頭嘴子山巔一古井以葛藤聯接繫石深不及底旁有石甚巨
下壓鐵練一端垂井中好事者向外拽之約至三十餘丈聞有聲如波濤
洶湧龍馬奔騰驚釋手練徐徐自贅回相傳內鎖一蛟未識何據後鄉人
恐牛馬墜入以石版封口焉

俗說城後發家嶺原名發箭嶺唐征高麗時薛仁貴向鳳凰山試箭一發
洞石穿為箭眼但孔圓而潤宜箭粗如梁且遠及十餘里恐人力不至此
南境雙山子原在海中石崖螭殼猶存上廣平有古剎一高臺登可遠眺
相傳為明季馬芳駐守處後移鹿島下有馬路與鹿島通雖沒於海風靜
時尚識波紋一線疑亦明人修建也

東鎮金家溝袁姓墾閒荒有石寬扁碍犁欲去之忽山麓草動鳴鳴作響
一烏梢蛇來粗如臂長可六七尺蜿蜒入石下移時始盡撻石迭起落蛇
卒不出意已撞斃力掀石翻見蛇蟠伏無稍損以槓擊之有聲錚然細審
錢也皆崇寧年號貫已朽能成串以行必有理焉

人
地
集
示
奇
山

鳳城縣志第十六卷目錄

藝文

碑文

附殘闕
古碑文

記

傳

論

序

啟

告示

賦

頌

詩上

詩下

